

Cwllwm

Hope-Siloh, Pontarddulais

Rhifyn 2

Chwefror 2008

Grant Sylweddol i'r Capel!

Ychydig cyn y Nadolig, daeth y newydd syfrdanol fod CADW, yn dilyn cyngor oddi wrth Gyngor Cynghorol Adeiladau Hanesyddol Cymru, yn fodlon cynnig grant o £158,000 i ni, fel cyfraniad tuag at y prosiect o adfer yn llwyr adeiladau'r Hope. Amcangyfrifir y costau cyfan yn £394,000, ond cofier ein bod yn hyderus y byddwn yn gallu defnyddio'r arian cyfalaf sydd eisoes yn y banc o ganlyniad i werthu'r ddau fans, ac wrth gwrs disgwylir swm sylweddol o werthu adeiladau Siloh maes o law. Fel adeilad cofrestredig rydym hefyd yn deilwng o ad-daliad TAW (VAT repayment) yn y pen draw. Rydym yn obeithiol hefyd y cawn newyddion da yn dilyn ein cais am grant i Gronfa Treftadaeth y Loteri (Heritage Lottery Fund), ac yn wir gwnaethom sawl cais am grantiau ychwanegol i asiantaethau amrywiol eraill.

Er mwyn rhoi cyhoeddusrwydd i'n llwyddiant ni, ac i waith CADW yn gyffredinol, trefnwyd ymweliad â'r Hope gan swyddogion CADW a Chyngor Adeiladau Hanesyddol Cymru ynghyd â'r Gweinidog dros Dreftadaeth Llywodraeth y Cynulliad, Rhodri Glyn Thomas, ar fore Gwener 11 Ionawr. Ymunodd nifer fawr o aelodau Hope-Siloh yn y dathlu, a braf iawn oedd cael sylw radio a theledu.



Dosbarth Beiblaidd

Cynhaliwyd pedair sesiwn buddiol iawn yn barod yn nhymor yr Hydref. Y tymor hwn byddwn yn parhau i astudio Efengyl Ioan (Festri'r Hope).

- Nos Iau **Ionawr 31** am 7.00
- Nos Iau **Chwefror 14** am 7.00
- Nos Iau **Chwefror 28** am 7.00
- Nos Iau **Mawrth 13** am 7.00

Ymunwch gyda'n grwp cyfeillgar sy'n cyfarfod yn anffurfiol i astudio'r Beibl.

Gwefan!

Byddwn yn lansio gwefan y capel yn fuan! Bydd yn cynnwys gwybodaeth am wasanaethau, calendar digwyddiadau, newyddion y capel a lluniau.

Cymdeithas Cyfeillion y Capel

21 Chwefror (Hope): Y Parchg Dewi Myrddin Hughes, Clydach, Llywydd Undeb yr Annibynwyr - "*Hanes a threfn yr Annibynwyr*".



6 Mawrth:

Dathlu Gwyl

Ddewi – Cawl a Chan



Mis Mawrth (dyddiad i'w gadarnhau):

Trip - Eglwys Llandeilo Tal-y-Bont, Sain Ffagan.

Apeliwn yn daer am eich cefnogaeth i'r cyfarfodydd uchod.

Gweinidog: Y Parch. Llewelyn Picton Jones, BSc, MEd
50 Heol Glanffrwd, Pontarddulais, Abertawe, SA4 1QE
01792 882889 Lpicjones@aol.com

Neges y Gweinidog

Dechreuad Newydd

“Onid wyf wedi gorchymyn iti: bydd wrol a dewr? Paid ag arswydo na dychryn, oherwydd yr wyf fi, yr Arglwydd dy Dduw, gyda thi ple bynnag yr ei.” Josua 1:9

Bu Duw wrthi yn paratoi'r hen genedl gynt, ei pharatoi hi ar gyfer y dasg aruchel o fod yn bobl briodol iddo'i hun. Fe'i baratodd hi yn yr Aifft ar gyfer yr Ecsodus, ac fe'i baratodd hi yn yr anialwch ar gyfer y mynediad i Wlad yr Addewid. Un cyfrwng a ddefnyddiwyd gan Dduw i baratoi ei bobl i gyflawni ei ewyllys oedd gofalu rhoi dechrau newydd iddynt bob hyn a hyn. Rhoddodd ddechreuad newydd iddynt yng ngwlad Canaan o dan arweiniad Josua, gan addo fod yn gefn ddiogel i'w harweinydd – “...oherwydd yr wyf fi, yr Arglwydd dy Dduw, gyda thi ple bynnag yr ei.” Ie, pan fod Duw yn gofyn i bobl wneud rhywbeth, mae e'n addo bod gyda nhw – “....ac yn awr yr wyf fi gyda chwi bob amser hyd ddiwedd y byd”. (Mathew 28:19)

Rhoddodd Duw ddechreuad newydd arall i'w bobl ar achlysur ffurfio'r Eglwys Gristnogol, yr Israel newydd. Rhoddodd Duw ddechreuad newydd i Saul o Darsus er ei fod e wedi erlid a charcharu Cristnogion. Rhoddodd Duw ddechreuad newydd i Pedr er ei fod wedi gadael yr Iesu i lawr – yn ei wadu dair gwaith ac wedi ffoi a'i adael i'r milwyr. Rhoddodd Duw ail-gyfle i John Newton, Capten llong oedd yn cludo caethweision, yr hwn a aeth ymlaen i fod yn Offeiriad yn yr Eglwys Anglicanaidd ac a ysgrifennodd yr emyn enwog “*Amazing Grace*”. Rydym ni'n gallu meddwl am enghreifftiau cyfoes o bobl yn cael dechreuad newydd gan Dduw. Ac fe fanteisiodd bob un o'r rhain ar y dechreuad newydd a gawsant gan Dduw.

A beth amdanom ni fel Eglwysi Hope a Siloh? Ydym ni yn mynd i fanteisio ar y cyfle mae Duw wedi rhoi i ni o ddechreuad newydd trwy ffurfio Eglwys Hope-Siloh? Ar ddechrau blwyddyn newydd arall mae Ef yn cynnig cyfle newydd i ni, wrth iddo ddal wrth ei waith o'n paratoi ni i fod yn dystion cywir iddo. Carreg filltir yw blwyddyn newydd, cyfle i orffwys, cyfle i fyfyrto, cyfle i edifarhau a chyfle i adnewyddu. Ond uwchlaw popeth, cyfle i gyflwyno ein hunain o'r newydd i Dduw. Gadewch i ni fod yn fwy ymwybodol o Dduw ar y daith eleni a gofyn iddo ein harwain ni, ein rhybuddio ni a'n cynnal ni yn y flwyddyn sydd i ddod.

Dylem ni fel aelodau Hope-Siloh edrych ymlaen yn llawn ffydd a sicrwydd i'r flwyddyn newydd gyffrous sydd i ddod, gan ddiolch i Dduw am y dechreuad newydd mae Ef wedi rhoi i ni fel eglwysi Hope a Siloh wrth i ni ddod at ein gilydd ynghyd â'i addewid am Ei bresenoldeb gyda ni yn y fenter.

Calendr Gwasanaethau

Chwefror 10	<i>Gwasanaeth o dan ofal yr aelodau</i>	Hope
Chwefror 17	Gweinidog	Hope
Chwefror 24	Parch. Edward Griffiths	Hope
Mawrth 2	Gwasanaeth Gŵyl Ddewi	Siloh
Mawrth 9	Gweinidog (<i>Cymun</i>)	Siloh
Mawrth 16	(<i>Sul y Blodau</i>) Dr.Dai Lloyd	Siloh
Mawrth 21	(<i>Y Groglith</i>)Oedfa Gymun Undebol (10.30 y.b.)	Trinity
Mawrth 23	(<i>Sul Y Pasg</i>) Gweinidog (<i>Cymun</i>) (10.00 y.b.)	Siloh
	Noson o Fawl yr Ofalaeth (6.00 y.h.)	
Mawrth 30	Parch. Maurice Loader	Siloh
Ebrill 6	Gweinidog (<i>Cymun</i>)	Hope
Ebrill 13	Parch. Caradog Evans	Hope
Ebrill 20	Gweinidog	Hope
Ebrill 27	<i>Gwasanaeth o dan ofal yr aelodau ifanc</i>	Hope

Newyddion y Capel

Babi Newydd

Llongyfarchiadau i Angela a Jamie Killa, ar enedigaeth eu hail blentyn, Griffydd Ifan, brawd bach i Sion Elis. Croeso mawr iddo i'n plith ac rwy'n siwr y cawn ei weld yn y capel cyn bo hir. Llongyfarchiadau hefyd wrth gwrs i Huw a Rhiannon ar enedigaeth ei wŷr newydd. Rydym ni hefyd yn llongyfarch Cliff a Mair Davies, ar enedigaeth wyres newydd, Megan, chwaer fach i Nia.

Cydymdeimlo

Gyda thristwch mawr y clywsom am farwolaeth un o'n diaconiaid, Mr. Hubert Jenkins, gŵr Mairwen, ar Ddydd Nadolig. Un o'r Bont oedd Hubert, yn athro ysgol yn ôl ei alwedigaeth ac fe'i etholwyd yn ddiakon yn yr Hope yn 1983. Roedd Hubert yn annwyl iawn yn ein golwg ni i gyd. Cofiw'n gyda diolch am un a godwyd ac a fagwyd ar aelwyd yr Hope, ac a fu'n deyrngar a ffyddlon i'r achos yn yr Hope trwy gydol ei fywyd.

Gyda thristwch mawr hefyd y clywsom am farwolaeth Mr. Gibbon Thomas yn y dyddiau diwethaf. Gibbon oedd y diacon hynaf yn Siloh ac fe fu'n ffyddlon ac yn deyrngar iawn i achos Iesu Grist yn Siloh trwy gydol ei fywyd. Un o blant Siloh oedd Gibbon ac fe fu'n ddiakon gweithgar iawn am rhyw chwe deg mlynedd ac yn gyfrifol am yr adeiladau am y rhan fwyaf o'r blynyddoedd hyn. Cofiw'n gyda diolch am un a gyfrannodd cymaint i'r achos yn Siloh.

Wrth gydymdeimlo, rydym ni'n cofio am Mairwen, Megan a Hywel a'u teuluoedd yn eu galar a'u hiraeth. Boed i Dduw eu cysuro, eu cynnal, eu nerthu a'u llanw a'r gobaith Cristnogol.

Rydym ni'n cydymdeimlo yn ddwys hefyd gyda Cliff a Mair Davies o'r Fforest. Mae Cliff wedi colli ei chwaer, oedd yn byw yng Nghei Newydd, yn sydyn iawn yn yr wythnosau diwethaf.

Cofio'n Cleifion

Ein dymuniadau gorau i gleifion y Capel a'r rhai sy'n gaeth i'w cartrefi trwy anhwylder neu bwysau'r blynyddoedd.

Cofiw'n yn arbennig am y rhai sydd mewn ysbytai neu gartrefi i'r henoed – sef Mr Jac Jones, Mrs Mary Meredith a Mrs Jean Layland yn Ysbyty Gorseinon; Mrs Blodwen Evans yn Ysbyty Treforys; Mrs Megan Hopkins a Mrs Gwen Lewis yng Nghartref Parc Wern yn Rhydaman; Mrs Mia Miles yng Nghartref Plas y Bryn yng Nghwmgwili, Mrs Dorothy Davies yng Nghartref Hengoed Court yn Winch Wen a Mrs Anna Eynon yng Nghartref Llys y Tywysog, Pengelli.

Gweithgor Bugeilio

Fuoch chi yn dost neu mewn gofid yn ystod misoedd olaf 2007? Os mai do yw'r ateb, hyderwn i chi gael ymweliad wrth ein gweinidog, aelod o'r capel neu'r Pwyllgor Bugeilio yn ystod y cyfnod hwn a'r ffaith ein bod yn meddwl amdanoch ac yn eich cofio yn ein gweddiau yn gysur i chi. Diolch i Gwen am ddylunio a cynhyrchu cardiau ymweld deniadol iawn. Mae nifer ohonoch wedi mynegi gwerthfawrogiad ar ôl derbyn cerdyn. Megis dechrau mae'r cynllun yma ac rwy'n siwr bydd y gweddill ohonoch yn derbyn ymweliad a cherdyn yn y misoedd nesa'.

- ❖ Ffurfiwyd rhestr erbyn hyn o aelodau sy'n barod i ymweld â'r rhai sy'n sâl mewn ysbyty, neu'n gaeth i'w cartrefi neu mewn cartref preswyl. Os ydych am gael eich ychwanegu at y rhestr cysylltwch ag Iris neu Ifor.
- ❖ Cofiwch roi gwybod i ni os bydd aelod yn dost neu mewn gofid. Byddai'n braf cael gwybod hefyd am achosion o lawenydd.
- ❖ Mae'n siŵr i chi sylwi bod rhywrai yn y cyntedd bob bore Sul i'ch croesawu i'r Oedfa. Ann a Gwen sy'n gyfrifol am y rhestr os hoffech gael eich cynnwys.

Diolch i bawb am ymateb mor dda.

Y Nadolig

Gwasanaeth Nadolig y Plant

Cafwyd nifer o wasanaethau bendithiol i ddathlu Gŵyl y Geni. Y cyntaf o'r rhain oedd gwasanaeth y plant a'r ieuenctid a gynhaliwyd fore Sul, 16 Rhagfyr yn yr Hope.

Daeth tyrfa gref ynghyd i ddathlu Gŵyl y Baban a roedd rhan gyntaf y gwasanaeth o dan ofal y ieuenctid, sef Josh, Dyfan, Tom, Ceri, Ffion, Catrin, Rhys, Rhiannon, Danielle, Lowri, Ashley, Rachel a Robert. Tywyswyd ni i Fethlehem gan blant y festri wrth iddynt gyflwyno drama'r geni – sef Meleri, Lowri, Cai, Heledd, Nathan, Tomos, Llyr, Steffan Wyn, Anest, Efa, Steffan Gwyn, Rebecca, Carys a Catlin. Y llefarwyr oedd rhai o'r rhieni ifanc, sef, Sioned, Rhian, Nerys a Steffan a'r cyfeilydd oedd Luned Mair. Ychwanegwyd at naws yr oedfa gan gyfraniad rhai o aelodau Band Pres y Bont. Diolchwyd i bawb a chyhoeddwyd y fendith gan y Gweinidog.



Gwasanaeth Nadolig yr Ieuenctid

Ar y Sul cyn y Nadolig, ar drothwy'r Wyl, cyflwynodd rhai o aelodau Hope-Siloh wasanaeth Nadolig arbennig ar ffurf Cân, Gair a Llun ar y thema Gŵyl y Baban. Cyflwynwyd darlleniadau cyfoes gan Heledd Clarke, Sara David, Luned Jones, Meinir Jones, Elena Owen a Lisa Tucker. Darllenodd Nerys Davidson, Elen Jones a Iestyn Davies o'r Beibl. Cafwyd unawd gan Angharad Lewis a deuawd gan Rhian Evans a Meinir Hughes. Canodd y côr, sef y rhai a enwyd uchod ynghyd â Catrin, Christine, Eira, Susan, Rhys ac Eilian sawl cân yn cynnwys Bendithia Dduw yr Oedfa Hon, Nadolig- Pwy a ŵyr, Gŵyl y Baban a Ffynnon Ffydd. Yn ychwanegu at y cyfan roedd lluniau ar y sgrin yn dangos agweddau amrywiol y Nadolig, y cwbl yn ein tywys o'r Nadolig masnachol at Wyl y Baban. I gloi, gwahoddwyd pawb i'r Festri i gymdeithasu a mwynhau te a mins peis.

Parti Nadolig y Capel

Ting a ling a ling, Ting a ling a ling, Santa Clôs sy'n dod.....
Do, fe fu plant Ysgol Sul Hope-Siloh yn ffodus iawn unwaith eto eleni. Fe gyrhaeddodd Siôn Corn y parti Nadolig gyda llawn sach o anrhegion iddynt ar Nos Fawrth, Rhagfyr 18fed. Roedd y festri dan ei sang a da oedd gweld cymaint o'n haelodau yn cymdeithasu ac yn mwynhau.

Yn wir, yn sgil llafur caled gwragedd y capel, mi roedd yna wledd arbennig wedi'i pharatoi ac mi roedd y plant (a'r oedolion) wrth eu boddau. Noson llwyddiannus dros ben!

